

CONVENIO DE COLABORACIÓN Nº 2676/11 ENTRE O INSTITUTO MUNICIPAL DOS DEPORTES E A FEDERACIÓN GALEGA DE TENIS PARA O DESENVOLVEMENTO DO PROGRAMA DE DINAMIZACIÓN DO TENIS "PROGRAMA MUNICIPAL PRACTICA TENIS" NO COMPLEXO DEPORTIVO DE SAMIL NA TEMPADA DEPORTIVA 2014/2015

No Instituto Municipal Dos Deportes de Vigo, 03 de decembro de 2014.

REUNIDOS:

Duna parte: D. Abel Caballero Álvarez, Alcalde do Concello de Vigo.

Doutra parte: D. Jose Antonio Pereiro Rodríguez, con DNI: 33323238-X, como Presidente da Federación Galega de tenis.

Ambas partes recoñecen a súa competencia e capacidade, respectiva para formalizar o presente convenio de colaboración en materia deportiva.


Autoriza este documento Dna. Concepción Campos Acuña, como secretaria da Xunta Rectora do Instituto Municipal dos Deportes.

MANIFESTAN QUE:

O Pleno do Concello de Vigo aprobou a creación do Instituto Municipal dos Deportes (IMD), como organismo autónomo de carácter administrativo, dotado de personalidade xurídica propia independentemente da do concello, plena capacidade para o cumprimento dos seus fins e patrimonio especial.

O Concello de Vigo, a través da súa Concellería de deportes e do Instituto Municipal dos Deportes, ten entre os seus obxectivos, colaborar coa dinamización das actividades vinculadas á actividade física e deportiva en calquera das súas manifestacións, entre as que se atopan as do ámbito educativo e formativo, o desenvolvemento de programas vinculados a colectivos cunhas necesidades especiais, as de dinamización de programas de tecnificación vinculados co rendemento deportivo ou actividades de formación desenvolvidas polas Federacións de ámbito Galego. Ademáis o artigo 3 dos estatutos do IMD establecen os fins do organismo, entre os que se atopa

"A promoción deportiva e o desenvolvemento da actividade física da poboación de Vigo...". Este obxectivo xenérico articúlase mediante a dinamización, impulso, promoción e fomento de diversas liñas de actuación no ámbito do deporte.




Por outra banda, as Federacións Deportivas Galegas son entidades privadas con personalidade xurídica propia, plena capacidade de obrar, e teñen a consideración de entidades de utilidade pública nos termos establecidos na lexislación vixente, cuxo ámbito de actuación exténdese ao termo da Comunidade Autónoma de Galicia no desenvolvemento das competencias que lle son propias.

Entre as funcións establecidas nos seus estatutos, a FGT ten a de desenvolver programas de especialización do deporte do tenis e a de colaborar coa Administración deportiva de Galicia, os entes locais e as agrupacións deportivas escolares na organización e no desenvolvemento dos programas xerais do deporte do tenis na idade escolar.

Tal como establece a *Lei 3/2012, de 2 de abril, del Deporte de Galicia*, corresponderá ás Federacións Deportivas Galegas, con competencia exclusiva na súa modalidade deportiva, entre outras, colaborar coas administracións públicas e coa Federación Española correspondente, así como coas restantes entidades deportivas na promoción das súas respectivas modalidades.

As actuacións de colaboración das administracións Locais con entidades promotoras do deporte e a A..F, vinculadas ó desenvolvemento de programas de promoción ou a dinamización e tecnificación relacionados co ámbito federativo do deporte, pode contribuir a mellorar o nivel deportivo dos e das deportistas da cidade, a consolidar a Vigo como unha das poboacións que lideran a promoción do deporte na comunidade Galega e a evitar que os e as deportistas Vigueses teñan que desprazarse a outras poboacións para desenvolver estes programas.

Tendo en conta o interés común reflexado nos estatutos de ambas entidades polo desenvolvemento de proxectos encamiñados ó fomento e promoción do deporte, neste caso o tenis, atendendo á proposta remitida pola Federación Galega de Tenis, na que plantexa o desenvolvemento dun programa de dinamización do tenis nas pistas ubicadas no Complexo Municipal de Samil, e que ademáis a FGT conta con recursos propios suficientes, tanto materiais como persoais, e capacidade, para o desenvolvemento do dito programa, e considerando o interés do Concello de Vigo e o IMD por ofertar actividades relacionadas con obxectivos orientados a saúde e ó ocio, plantéase a necesidade de articular un convenio de colaboración que permita establecer as condicións para o desenvolvemento dun programa conxunto de dinamización do Tenis coordinado pola Federación Galega de Tenis e tutelado polo Instituto Municipal dos Deportes, unificando esforzos e criterios, operativizando e optimizando recursos e ampliando a oferta deportiva no ámbito do deporte-saúde e do deporte-ocio.




Polo todo o que vai dito, procede asinar un convenio de colaboración que articule o desenvolvemento do programa, e que rexirase polas seguintes cláusulas,

CLAUSULAS:

1. A Federación Galega de Tenis comprométese a:

- Desenvolver un programa de dinamización do tenis no complexo municipal de Samil "Programa Municipal Practica Tenis", orientado á formación e a práctica saudáble desta modalidade. A proposta da FGT deberá abarcar os apartados de promoción, formación e tecnificación da modalidade de tenis, para o que se adxuntará a este convenio o desenvolvemento do proxecto, onde se recollerán os importes que a FGT repercutirá nos usuarios das actividades propostas co obxectivo de conseguir o equilibrio orzamentario. Dita proposta deberá ser presentada no IMD anualmente no mes de xuño, e ratificada pola Xunta Reitora do IMD.
- Elaborar un programa xeral de difusión do tenis da cidade cun formato e imaxe autorizado polo IMD e incluír a actividade nos medios de difusión que a Federación utilice (Web...).
- Atender as suxerencias e propostas transmitidas polos técnicos do IMD.
- Utilizar as pistas de tenis 1, 2 e 3 do complexo municipal de Samil única e exclusivamente para o desenvolvemento das actividades propostas no programa de actividades de acordo cos horarios, fins e obxectivos mencionados na memoria do convenio.
- Entregar mensualmente a planificación de usos das instalacións.
- No caso de ser necesaria a utilización doutros espazos para o desenvolvemento das actividades deportivas, a FGT solicitará na oficina de programación do IMD o uso destes outros espazos.
- Suscribir anualmente unha póliza de responsabilidade civil sobre as actividades coas coberturas e alcance necesarias, asumindo tódalas responsabilidades vinculadas á organización do programa, para o cal cumprirá tódolos requisitos de seguridade obrigatorios para a actividade.
- Cumprir coa lexislación vixente en materia laboral no referente ó persoal destinado ó desenvolvemento das actividades vinculadas ó programa de actividades, asumindo a responsabilidade en calquera cuestión vinculada ó persoal docente, sen que este teña relación laboral algunha co IMD.
- Realizar e entregar no rexistro do IMD trimestralmente, unha memoria sobre as actividades desenvolvidas, que deberá incluír; descripción da actividade, materiais utilizados, nº de participantes, valoración das actividades, así como outros apartados que se consideren de interés.




A FGT entregará no IMD a memoria final da actividade na que reflexará tanto os datos deportivos como o resultado económico do desenvolvemento do programa.

- Notificar ó persoal do IMD calquera incidencia ou necesidade derivada do uso das instalacións coa maior axilidade posible.
- Informar ó IMD do persoal que a FGT destine ó desenvolvemento do programa, identificando ó responsable e coordinador das actividades. A FGT comunicará por escrito calquera modificación da identidade deste persoal.
- Notificar calquera cambio no persoal docente ou na estruturación das actividades, horarios...
- Colaborar co IMD no desenvolvemento das actividades deportivas que se promovan dende o organismo autónomo.

2. O Instituto Municipal dos Deportes de Vigo comprométese a:

- Proceder á reserva sen cargo das pistas de tenis 1, 2 e 3 ubicadas no Complexo Municipal de Samil, durante a vixencia do convenio, entre as 09:00h e as 22:00h de luns a domingo, e sempre que o Complexo permaneza aberto ó público para o desenvolvemento do programa municipal de dinamización do Tenis "Practica Tenis", que incluírá un proxecto para a promoción e dinamización do tenis na instalación de Samil, e que deberá ser aprobado polo IMD e revisado trimestralmente polos técnicos municipais.
 - Asumir os gastos de mantemento e conservación das pistas utilizadas para o desenvolvemento do programa de actividades, dentro do contexto xeral do complexo deportivo de samil, agás dos que se deriven de accións u omisións negligentes por parte da FGT que ocasionen danos nas instalacións.
 - Controlar o bon uso das instalacións a través do seu personal técnico, reservándose a capacidade de notificar e facer cumprir aquelas cuestións que considere oportunas relacionadas con este tema.
3. A vixencia deste convenio será desde a sinatura do presente convenio ata o 1 de setembro de 2015, renovándose ata o 1 de setembro de 2016 previa presentación por parte da FGT dunha solicitude ó longo do mes de xuño de 2015, no rexistro do IMD, e a súa aprobación por parte da Xunta Reitora.
4. Para o seguimento do presente convenio formalizarase unha comisión de dous membros por cada unha das partes, para resolver tódalas incidencias non contempladas no presente documento.
5. A sinatura do presente convenio non exclúe a posibilidade de establecer outros acordos para o desenvolvemento de actividades diferentes ás que recolle o presente convenio.



6. A eficacia do presente convenio condicionarase á ratificación definitiva pola Xunta Reitora do IMD.
7. O incumprimento por parte da FGT do presente convenio será motivo da revocación no suposto sen que a súa inobservancia revista carácter esencial.

Como proba de conformidade, as partes intervintes asinan este convenio por triplicado.

O Alcalde do Concello de Vigo


D. Abel Caballero Álvarez

O Presidente da Fed. Galega de Tenis

D. José Antonio Pereiro Rodríguez

A Secretaria da Xunta Rectora

D. Concepción Campos Acuña



FEDERACIÓN GALLEGA DE TENIS
FOTÓGRAFO LUIS KSADO, 17 BAJO
OFICINA 1 - 36209 VIGO
TELÉFONO: 986 21 29 82
G15102767



XUNTA DE GALICIA
PRESIDENCIA
Secretaría Xeral para o Deporte



DEPORTE
GALEGO

D. José Antonio Pereiro Rodríguez, con DNI 33323238X, como Presidente, e representante legal, da Federación Galega de Tenis, con domicilio en C/ Fotógrafo Luis Ksado nº 17, Casa do Deporte, Oficina 1 en Vigo e CIF G15102767.

AUTORIZA:

A Don Joaquín Comesaña de Paladella, con DNI nº 46301618L, secretario xeral da Federación Galega de Tenis a asinar os Convenios co Concello de Vigo en materia deportiva.

E, para que conste diante do Concello de Vigo, asino a presente autorización.

En Vigo a 3 de Decembro de 2014.

José Antonio Pereiro Rodríguez
Nº de DNI 33323238X
Presidente Federación Galega de Tenis

